

Broj: 01-03.2-5831-12/24
Datum: 30.9.2024.godine

Na osnovu člana 69. stav 3. Zakona o javnim nabavkama Bosne i Hercegovine ("Službeni glasnik BiH", br.:39/14, 59/22 i 50/24) i Pravilnika o javnim nabavkama JP Ceste Federacije BiH d.o.o. Sarajevo, u postupku javne nabavke usluga osiguranje imovine i lica Lot 1 : Osiguranje poslovne zgrade, u skladu sa preporukom Komisije za nabavke, Uprava d o n o s i:

ODLUKU o poništavanju postupka javne nabavke

Poništava se otvoreni postupak javne nabavke usluga osiguranje imovine i lica Lot 1: Osiguranje poslovne zgrade, Obavještenje o javnoj nabavci broj: 260-7-2-172-3-256/24 objavljeno na portalu javnih nabavki dana 24.7.2024. godine.

Obrazloženje

Ugovorni organ -JP Ceste Federacije BiH d.o.o. Sarajevo (u daljem tekstu-ugovorni organ) pokrenuo je postupk javne nabavke usluga: javne nabavke usluga osiguranje imovine i lica Lot 1: Osiguranje poslovne zgrade.

Obavještenje o javnoj nabavci broj: 260-7-2-172-3-256/24 oobjavljeno na portaju javnih nabavki, dana 24.7.2024. godine.

U skladu sa tač. 27. Tenderske dokumentacije, otvaranje ponuda je bilo zakazano za dan 12.8.2024. godine u 12:15 sati. U skladu sa članom 63. stav (1) i (2) Zakona o javnim nabavkama ponude se otvaraju na javnom otvaranju ponuda, neposredno nakon isteka roka za prijem ponuda na dan i vrijeme koji su navedeni u tenderskoj dokumentaciji. Svi ponuđači koji su na vrijeme dostavili ponude ili njihovi ovlašteni predstavnici, kao i sva druga zainteresirana lica imaju pravo prisustvovati postupku otvaranja ponuda.

Komisija za nabavke je na javnom otvaranju ponuda otvorila za Lot 1osiguranje poslovne zgrade dvije ponude, te je Zapisnik sa otvaranja ponuda, dostavljen svim ponuđačima čije ponude su otvorene na javnom otvaranju. Jedan dan nakon održanog javnog otvaranja ponuda, dakle 13.08.2024.godine, utvrđeno je da je uredno zaprimljena preko protokola ugovornog organa, još jedna pravodobna ponuda koja je tehničkim propustom ostala neotvorena.

Zakon o javnim nabavkama ne poznaje situaciju da se tokom provođenja postupka javne nabavke desi situacija iz prednje opisanog činjeničnog stanja, da blagovremeno pristigla ponuda ne bude otvorena na javnom otvaranju ponuda.

Zakon o javnim nabavkama ne propisuje postupanje ugovornog organa, u slučaju prednje opisanog činjeničnog stanja, a uzimajući u obzir da je u članu 117. i 118. Zakona o javnim nabavkama propisana subsidijarna primjena Zakona o upravnom postupku, te primjena odredaba o obligacionim odnosima na odgovornost ugovornih strana, pa tako i ugovornog organa za ispunjenje obaveza.

U kontekstu, utvrđenog činjeničnog stanja u predmetnom postupku, treba uzeti u obzir da je pravovremno pristigla ponuda dana 9.8.2024. godine, ostala neotvorena zbog tehničke pogreške. Naime, u skladu sa principima obligacionog prava, pogreška je obična nepažnja (culpa levis), koja je lakši stupanj nepažnje. Takva nepažnja naziva culpa levis in concreto. ZOO uvažava običnu pažnju in concreto.


Komisija za nabavke predlaže Upravi poništavanje predmetnog postupka javne nabavke, u skladu sa članom 69. stav (3) ZJN-a, a imajući u vidu da Zakon o javnim nabavkama, ne propisuje postupanje ugovornog organa u situacijama prednje opisanog činjeničnog stanja, a sve, kako bi se ispoštovali opšti principi javnih nabavki, transparentnost, jednako i nediskriminirajuće ponašanje prema ponuđačima, te da obezbijedi pravednu i aktivnu konkurenciju.

Na osnovu ovog prijedloga Komisije, ovlašteni organ ugovornog organa donio je odluku kao u dispozitivu.

Pouka o pravnom lijeku:

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke.

Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu ugovornog organa. Žalba se podnosi u najmanje 3 (tri) primjerka.

 **U.d. Direktor:**

Ljubo Pravdić, dipl. inž.grad.

Dostavljeno:

- Svim ponuđačima
- a/a